

民國文獻資料叢編

近代學報
彙刊

殷夢霞 李強 選編

國家圖書館出版社



殷夢霞、李強 選編

近代學報彙刊

第八十四冊

國家圖書館出版社

第八十四冊目錄

清華學報 第十一卷第四期 一九三六年十月 一

清華學報 第十二卷第一期 一九三七年一月 三一五

清 華 學 報

第拾壹卷第四期

(每年四期)

民國廿五年十月

本期目錄

論文

說字解經十二首

楊樹達

楚辭斠補

聞一多

讀秦婦吟

陳寅恪

元史拉施特集史蒙古帝室世系所記世祖后妃考

邵循正

九歌山鬼考

孫作雲

東漢的豪族

楊聯陞

反動與守舊：美法革命以後之政治思潮

浦薛鳳

歌德浮士德上部的表演問題

陳 銓

書評

Lamasse et Jasmin, *La Romanisation Interdialectique, Écriture*

Alphabétique Naturelle et Pratique de la Langue Chinoise.

王 力

Fitzgerald, *China: A Short Cultural History.*

雷海宗

Pink, *The Defence of Freedom.*

陳之邁

李健吾, 福樓拜評傳

吳達元

Hetsch, *Paula Modersohn-Becker, ein Buch der Freundschaft.*

楊業治

國 立 清 華 大 學 出 版

國立清華大學

清華學報編輯部

朱自清(主任)	陳寅恪	楊樹達
俞平伯	劉文典	聞一多
王力	浦江清	王文顯
吳宓	陳福田	錢稻孫
葉崇智	陳銓	吳達元
楊業治	馮友蘭	金岳霖
鄧以蛰	張崧年	張蔭麟
沈有鼎	蔣廷黻	劉崇鉉
孔繁霽	雷海宗	吳景超
陳達	潘光旦	李景漢
浦薛鳳	王化成	張奚若
蕭公權	沈乃正	陳之邁
燕樹棠	趙鳳喈	陳岱孫
蔡可選	蕭遜	余肇池
趙人儔		

國立清華大學
清 華 學 報

第十一卷第四期目錄

民國廿五年十月

論文

- | | |
|--------------------------|----------|
| 說字解經十二首 | 楊樹達 899 |
| 楚辭斟補 | 聞一多 915 |
| 讀秦婦吟 | 陳寅恪 951 |
| 元史拉施特集史蒙古帝室世系所記世祖后
妃考 | 邵循正 969 |
| 九歌山鬼考 | 孫作雲 977 |
| 東漢的豪族 | 楊聯陞 1007 |
| 反動與守舊：美法革命以後之政治思潮 | 浦薛鳳 1065 |
| 歌德浮士德上部的表演問題 | 陳 銓 1115 |

書評

- | | |
|--|----------|
| Lamasse et Jasmin, <i>La Romanisation Interdialec-
tique, Écriture Alphabétique Naturelle et Pratique
de la Langue Chinoise.</i> | 王 力 1173 |
| Fitzgerald, <i>China: A Short Cultural History.</i> | 雷海宗 1180 |
| Pink, <i>The Defence of Freedom.</i> | 陳之邁 1183 |
| 李健吾, 福樓拜評傳 | 吳達元 1186 |
| Hetsch, Paula Modersohn-Becker, <i>ein Buch der
Freundschaft.</i> | 楊業治 1193 |

說字解經十二首

楊樹達

- (一) 釋屬
- (二) 釋賢
- (三) 釋吏
- (四) 釋僞
- (五) 釋力彐
- (六) 釋雌雄
- (七) 釋瞿瞿
- (八) 書微子草竊姦宄解
- (九) 書盤庚罔知天之斷命解
- (十) 左傳戴氏考
- (十一) 讀春秋名字解詁書後
- (十二) 讀周禮秋官司刑法引尚書大傳書後

一 釋屬

說文八篇下尾部云：屬，連也。从尾，蜀聲。按尾部諸文，屈訓無尾，尿訓人小便，皆關尾義。屬訓爲連，義泛不切，殆非制字之初義也。考廣雅(釋親)玉篇廣韻皆有豚字。廣雅訓腎，玉篇訓尻，廣韻訓尾下竅。竊疑屬蓋豚之初文，豚爲屬之或作也。知者：說文二篇上口部云：囁，喙也。从口，蜀聲。喙下云：口也。然則蜀聲有口竅之義，說一也。說文三篇下支部云：𡗗，去陰之刑也。从支，蜀聲。引周書曰：刑剝𡗗鯨。(𡗗今書呂刑作𡗗。)古形聲字聲皆有義，𡗗字从支，故訓去。其云陰者，以从蜀聲，蜀屬聲同，蜀假爲屬故也。說二也。國語楚語曰：日月會於龍𡗗。

文選東京賦注引賈逵注云：獠，龍尾也。按獠字不見於許書，玉篇已部作𪚩，云丁角切，與屬玉篇音之欲切者同。又豕蜀古音同，其孳乳字古多通假。豕之爲尾，蓋受之屬。說三也。蜀志十二周羣傳云：先主與劉璋會涪，時張裕爲璋從事，侍坐。其人饒鬚，先主嘲之曰：昔吾居涿縣，特多毛姓，東西南北皆諸毛也。涿令稱曰：諸毛繞涿居乎！裕即答曰：昔有作上黨潞長，遷爲涿令。涿令者去官還家，時人與書，欲署潞，則失涿；欲署涿，則失潞，乃署曰潞涿君。先主無鬚，故裕以此及之。先主常銜其不遜。按涿與豸獠屬同音，故先主與張裕以此互相嘲謔，知漢魏之際屬爲陰竅，仍爲通俗常言也。禮記內則云：鼈去醜。鄭注云：醜謂鼈竅也。爾雅釋畜云：馬白州，驢。 山海經北山經云：倫山有獸焉，其州在尾上。郭注並云：州，竅也。夫字義屢見於經傳，載之史籍，州醜皆以聲近通假，涿亦同音假借，許書似不當無正文。今請以廣韻豚字之訓移置屬下云：屬，尾下竅也。从尾，蜀聲。則於形聲義三者皆覺脗合。謹爲揭出，俟世之精治小學者正焉。

二 釋 賢

說文六篇下貝部云：賢，多才也。从貝，叡聲。按三篇下叡部云：叡，堅也。古文以爲賢字。據此知叡乃堅之初文。人堅則賢，故即以叡爲賢，後乃加形符之貝爲賢字耳。十篇上能部云：能，熊屬，足似鹿。从肉，吕聲。能獸堅中，故稱賢能而彊壯稱能傑也。今按能與耐古字同，惟堅乃能耐也。九篇下彘部云：彘，彘豕，鬣如筆管者。从彘，高聲。或从豕作豪。今通作豪。按豪豕以毛鬣堅剛如筆管，故引伸爲豪傑之豪。賢能同義，賢

豪亦同義。能義受自堅中,豪稱緣於剛鬣,賢之受義於堅,以二文互證而益明矣。

以𠂔爲賢,據其德也。加𠂔以貝,則以財爲義矣。蓋治化漸進,則財富漸見重於人羣,文字之孳生,大可窺羣治之進程矣。

三 釋 吏

說文一篇上一部云:吏,治人者也。从一,从史,史亦聲。愚按:玉部云:理,治玉也。治玉謂之理,治人謂之吏,其義一也。故賈子大政篇曰:吏之爲言理也。國語晉語八記隰叔生子輿,爲理。管子小匡篇云:弦子旗爲理。禮記月令云:孟秋,命理瞻傷,察創視折。本吏也,而以理言之,知古人吏理本不分矣。許君謂从一史,一史義不相屬。唐元度謂執法如一,徐鍇謂吏治人,心主於一,皆皮傅強說,非正義也。愚謂:文當从一,从又,从中。僞古文尚書大禹謨記舜之命禹曰:人心惟危,道心惟微。惟精惟一,允執厥中。此舜戒禹以治人之道也。惟精惟一,故吏字从一;允執厥中,故从又持中。(史下云:从又持中。)大禹謨雖僞書,然人心之危,道心之微,本荀子稱道經之詞;解蔽篇論語記堯舜之相命,亦云允執其中。堯典篇知僞書所本,乃三古之遺言,非王肅梅賾輩所能造矣。

或問曰:惟精惟一,允執厥中,古帝王授受之緒言,今子以爲吏字所從,得無輕重失其倫乎?曰:不然。吏本治人者之稱,帝王亦治人者也。抑今人習以吏爲有司之稱,古義乃不必然。孟子曰:爲天吏則可以伐之。趙岐釋天吏爲天所使王者得天意者。夫王者既可以吏爲稱,造文者以王者治人之道制其字,復何疑乎!

四 釋 僞

說文八篇上人部云：僞，詐也。从人，爲聲。按三篇下爪部云：爲，母猴也。其爲禽好爪。好爪者，言其喜動作屑屑。故爲引申爲作爲之爲，又引申爲詐僞之僞，又引申爲僞言之譌，皆受義於母猴之爲。

爲古韻在歌，對轉寒則爲媛。說文十三篇上虫部云：媛，善援禺屬。从虫，爰聲。九篇上由部云：禺，母猴屬。媛孳乳爲媛。說文三篇上言部云：媛，詐也。从言，爰聲。

或問曰：僞譌孳乳於爲，媛孳乳於媛，既得聞命矣。然僞媛皆訓詐，說文言部云：詐，欺也。从言，乍聲。然則乍聲類之字亦有與爲媛同義者乎？曰：乍聲孳乳之字固無其字，然說文有狙。十篇上犬部云：狙，猱屬。从犬，且聲。又云：猱，大母猴也。且聲乍聲古音爲平入，且，模部。乍，鐸部。故二字多通作。四篇下歹部，狙或从古文死从乍，是也。狙引申爲動作之作，又引申爲詐僞之詐耳。狙與作古音本近，自作字失其本音，後人別制做字當之，狙做二字今音尙相近也。

母猴謂之爲，又謂之媛，又謂之狙。引申之，動作謂之爲，又謂之作。更引申之，則詐僞謂之僞，又謂之媛，又謂之詐，僞言謂之譌。字義同，其孳乳之故不得不同矣。

五 釋 力 劦

說文十三篇下力部云：力，筋也。象人筋之形。四篇下肉部別有肋字，云：脅骨也。从肉，力聲。樹達竊謂：力象人脅骨橫列之形，蓋即肋之初文。三之者，手之列多不過三之意。加肉

爲肋，猶云之爲雲，臣之爲頤，乃力之後起字矣。

說文十三篇下勑部云：勑，同力也。从三力。肉部別有脅，云：兩膀也。从肉，勑聲。愚疑勑亦脅之初文，許說以同力，疑其望文爲訓。勑从三力，義與力近，此猶二糸爲絲，絲糸義同；二戶爲門，門戶義近；二く爲川，三く爲川，川與く義近；二中爲艸，三中爲卉，四中爲羈，艸卉羈與中義近也。勑聲字有荔瑤等文，讀入舌音，知勑與力聲亦相近矣。許君別力肋爲二文，又分勑脅爲二文，殆皆失之矣。

說文八篇上毛部云：毛，眉髮之屬及獸毛也。象形。九篇上髟部云：髟，髮也。从髟，从毛。按毛髟音義皆同，實一字也。異者：髟於毛形外加義符髟耳。又九篇上彡部云：彡，毛彡彡也。象形。又須部云：彡，頰須也。从須，从彡，彡亦聲。按彡爲須彡之本字，象兩頰有須之形。彡則於彡形外加義符須耳。許以頰須之訓屬彡，故於彡下苟以毛彡彡爲說，誤之甚者也。又五篇上豆部云：豆，古食肉器也。象形。又云：桓，木豆謂之桓。按豆桓一字也。桓於豆形外加義符木耳。又九篇上文部云：文，錯畫也。象交文。又彡部云：彡，鬣也。从彡，从文。按文彡亦一字也。彡於文形外加義符彡耳。此皆一字而許君誤認爲二字，與力肋勑脅同者也。

經傳恒以旅力連言。書秦誓曰：番番良士，旅力既愆。詩小雅北山曰：旅力方剛，經營四方。國語周語曰：四軍之帥，旅力方剛，是也。旅力二者皆骨骼之名。說文七篇下呂部云：呂，脊骨也。象形。或作膂。經傳之旅乃膂之省，力則脅骨也。人身幹骨爲脊，由脊分張前曲爲肋，二體相屬，故古人亦以旅力連言。脊肋強者多力，故旅力引申爲氣力之力，方言廣雅膂亦訓

力，是也。古人謂駢脅者多力，知脅骨與氣力有關矣。毛公僞孔韋昭釋旅爲衆，文義不協，違誤甚明。戴震王念孫疏證楊張之書，釋經傳之旅爲力，文義協矣，猶非旅力之初義也。

六 釋雌雄

說文四篇上隹部云：雌，鳥母也。从隹，此聲。今按此聲字多含小義。爾雅釋訓云：𪔐𪔐，小也。說文六篇上木部云：柴，小木散材。从木，此聲。六篇下貝部云：貲，小罰以財自贖也。从貝，此聲。十二篇下女部云：娵，婦人小物也。从女，此聲。二篇上走部云：𨇗，淺渡也。从走，此聲。方言十云：𨇗，短也。凡物生而不長大謂之𨇗。說文九篇上須部云：𨇗，口上須也。从須，此聲。按上口須視頤下須爲短。由此觀之，雌之受名，蓋以其小也。

隹部又云：雄，鳥父也。从隹，厶聲。按厶聲字多含大義。爾雅釋詁云：弘，大也。（說文弘从厶聲，厶厶字同。）又云：宏，大也。文選羽獵賦云：涉三皇之登閼。注引韋昭云：閼，大也。又笙賦云：泓宏融裔。注云：泓宏，聲大貌。然則雄之受名蓋以其大也。

爾雅釋獸云：麇，壯鹿。說文鹿部云：麇，壯鹿。从鹿，段聲。又豕部云：豨，壯豕也。从豕，段聲。按段聲字亦多含大義。爾雅釋詁云：𦏧，大也。又云：假，大也。爾雅釋魚云：鰓大者謂之鰓。又釋獸云：牛絕有力，𦏧。然則麇豨之受名殆亦以其大矣。

爾雅釋畜云：夏羊，牝羴，牡羴。郭璞注本牝牡互誤，段氏玉裁據說文羴下訓羊羴牝，謂羴若爲牝羊，不得云牝，訂正郭本之誤，其說是矣。今請更以二證明之。按羴與股爲同音字。人膝以上爲股，膝以下爲脛。股大於脛，知羴亦當受義於大。義

當爲壯，不得爲牝。一也。殺古音與假同，殺爲牡羊，與麋爲牡鹿，豨爲牡豕一律。若麋豨爲牡而殺爲牝，理不可通。二也。

釋畜又云：羊牡，𦍋。按分聲字亦多含大義。說文七篇上巾部云：楚謂大巾曰帟。从巾，分聲。九篇上頁部云：頤，大頭也。从頁，分聲。十三篇下土部云：坻，大防也。从土，分聲。詩大雅韓奕云：汾王之甥。毛傳云：汾，大也。書大傳云：天子貢庸。鄭注云：貢，大也。爾雅釋詁云：墳，大也。又釋丘云：墳，大防。禮記內則云：菽麥蕡。釋文云：蕡字又作麤，大麻子。爾雅釋樂云：大鼓謂之鼗。說文鼗或作鞀。分貢古音同，然則𦍋之受名亦得義於大矣。

廣雅釋獸云：獮，豕牝也。按取聲聚聲及音近之字多含小義。史記貨殖傳云：鰕千石。正義云：鰕，雜小魚也。漢書張良傳云：鰕生教我。服虔云：鰕，小人貌也。又枚乘傳云：禹無十戶之聚。注云：聚，小邑也。字林云：剝，細斷也。說文四篇下隹部云：雛，雞子也。又十三篇上糸部云：縞，絺之細者也。釋名釋書契云：鄒，狹小之言也。上林賦云：黃甘橙棣。郭注云：棣，小橘也。此知獮之受名亦由於小矣。

七 釋縣瞤

說文四篇上目部云：瞤，盧童子也。從目，縣聲。（玉篇戶犬戶謁二切。）盧童子者，徐鍇云：盧，黑也，眼中黑子也。从縣之義，先儒無說。惟段氏注云：盧童子居最中，如縣然，故謂之瞤。按段氏泥形爲說，殊失之鑿，說殆非是。愚謂：縣之爲言玄也。古者縣玄音近，故互相訓釋。太平御覽百五十七引風俗通云：縣，玄也，言當玄靜平徭役也。此以玄釋縣者也。釋名釋天云：天又

謂之玄。玄，縣也，如縣物在上也。又釋親屬云：玄孫，玄，縣也，上縣於高祖，最在下也。又釋疾病云：眩，縣也，目視動亂，如縣物搖搖然不定也。此以縣釋玄及玄聲類之字者也。二字音近，故又得相通假。淮南子地形訓云：縣固涼風樊桐在崑崙閼闔之中。張衡東京賦云：右睨玄圃，字作玄。李善文選注及章懷後漢書注並謂玄與懸古字通，是也。（縣懸字同）玄者，黑也，盧童子色黑，故既名曰盧，又名曰瞫矣。

目部又云：瞫，目童子精也。从目，喜聲。（許其切）喜聲前儒皆不言其義。今按喜之爲言黑也。古音喜在哈部，黑在德部，二部爲平入，故二部之字古多通用。襄四年左氏春秋經云：夫人嬀氏薨。嬀氏公羊經作弋氏。又云：葬我小君定嬀。公羊經作定弋。定十五年左氏春秋經云：嬀氏卒。又云：葬定嬀。穀梁經作弋氏與定弋。嬀从以聲，哈部。弋，德部。左傳昭公十五年楚費無極，呂氏春秋慎行篇淮南子人間訓史記楚世家及伍子胥傳吳越春秋並作費無忌。極从亟聲，德部。忌从己聲，哈部。左傳昭二十八年晉楊食我，論衡命義篇作羊舌似我。食，德部。似从以聲，哈部。儀禮鄉射記云：五職。注云：古文職爲戠，今文或作植。按戠从戠聲，戠从才聲，哈部。職从戠聲，植从直聲，並德部。此皆哈德二部相通之證也。目童子精黑，故瞫字从喜，从喜實从黑也。然則瞫也，喜也，盧也，皆言童子之黑也。

八 書微子草竊姦宄解

書微子云：殷罔不小大好草竊姦宄，卿士師師非度。僞傳釋草竊云：草野竊盜。樹達按：經以草竊姦宄連文。姦宄義近，草與竊義亦當相近。且盤庚上篇云：乃敗禍姦宄以自災於厥

身。敗與禍義近，此文草與竊義亦當相近。傳說爲草野竊盜，草野與竊盜義不相承，其說非也。今按：草當讀爲鈔。說文十四篇上金部云：鈔，又取也。从金，少聲。方言十二云：虜鈔，強也。注云：虜鈔皆強取物也。後漢書七十六王渙傳云：平常持米到洛，爲卒司所鈔。注云：鈔，掠也。鄭注周官射鳥氏云：烏鳶善鈔盜。鈔盜猶草竊矣。鈔字又作抄。一切經音義二引通俗文云：撫取謂之抄掠。左傳僖二年杜注云：虢稍遣人分依客舍以聚衆抄晉邊邑。釋文云：抄，強取物，是也。字又作勦。禮記曲禮上篇云：毋勦說。鄭注云：勦猶擊也，謂取人之說以爲己說。按今語強取人物謂之鈔，襲取人說亦謂之鈔，則古語之遺也。康誥云：寇攘姦宄，殺越人于貨。此云草竊姦宄，猶彼云寇攘姦宄矣。按草古音在幽部，鈔古音在豪部，二部音最近，故得通假。說文六篇上木部云：櫟，澤中守艸樓。从木，巢聲。字義爲守艸而文从巢，知造文時二部已通用無別矣。

近余溫尋尙書，用鄉先輩王氏尙書孔傳參正爲參考。於微子此文引江聲說，以呂氏春秋草竊語爲證，心不謂是，遂草是篇。昨者偶檢孫星衍尙書今古文注疏，知讀草爲鈔，孫氏已先余言之。惟孫說略而余較詳。又孫氏既讀草爲鈔，又復引江聲之說，尤爲信道不篤。故今仍存此文，而記其由於此云。

九 書盤庚罔知天之斷命解

書盤庚上篇云：今不承於古，罔知天之斷命，矧曰其克從先王之烈。僞孔傳云：今不承古而徙，是無知天將斷絕汝命。天將絕命，尙無知之，況能從先王之業乎！今按：經意謂：今不承古，則